

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
- Općinski načelnik-

Broj: 07-915/17

Datum, 19. 04. 2017. godine

Općinski načelnik na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14), Odluke o izvršenju budžeta općine Srebrenik, („Sužbeni glasnik općine Srebrenik“, broj: 7/16), čl. 38. i 118. Statuta općine Srebrenik („Službeni glasnik općine Srebrenik“, broj: 1/08) na preporuku Komisije za javnu nabavku broj: 07-915/17 od 19.04.2017. godine, u postupku javne nabavke Izvođenje detaljnih hidrogeoloških radova i izrada izvještaja o eksploatacionoj količini i kvalitetu vode iz bunara B-5, je d o n i o:

O D L U K U
O IZBORU NAJPOVOLJNIJEG PONUĐAČA

I

Prihvata se preporuka Komisije za javnu nabavku, broj: 07-915/17 od 19.04.2017. godine i Ugovor za **Izvođenje detaljnih hidrogeoloških radova i izrada izvještaja o eksploatacionoj količini i kvalitetu vode iz bunara B-5**, dodjeljuje se ponuđaču **RUD-PROM DOO Tuzla**, ponuda broj: 317/17 od 07.04.2017. godine, za ponuđenu cijenu od **145.173,60 KM sa PDV-om** kao prihvatljivu.

II

Ponuđač je dužan u roku od **7 dana** od dana prijema ove odluke, dostaviti dokaze po članu 45. stav (2) Zakona o javnim nabavkama i original izvještaj Centralne banke (može ovjerena kopija). Dokazi koje dostavlja ponuđač ne mogu biti stariji od tri mjeseca, računajući na dan predaje ponuda.

III

Ponuđač je dužan najkasnije u roku od **15 dana** od dana prijema odluke, a prije potpisivanja ugovora dostaviti rješenje izdato od Ministarstva energije, rudarstva i industrije Federacije BiH o ispunjavanju uslova za obavljanje registrovane djelatnosti iz oblasti geologije, i isto je uslov za potpisivanje ugovora.

IV

Ova odluka objavit će se na web-stranici **www.srebrenik.ba** istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

O B R A Z L O Ź E N J E

Postupak javne nabavke pokrenut je Odlukom o pokretanju postupka javne nabavke broj: 07-915/17 od 22.03.2017. godine.

Javna nabavka je sprovedena po otvorenom postupku broj: 07-915/17 od 22. 03. 2017. godine.

Procijenjena vrijednost javne nabavke bez PDV-a je 157.670,94 KM.

Obavještenje o nabavci broj: 761-1-3-25-3-14/17 poslato je na objavljivanje dana 23.03.2017. godine, i "Službenom glasniku BiH" broj: 21 od 24. 03. 2017. godine.

Komisija za javnu nabavku imenovana je Rješenjem broj: 07-915/17 od 23.03.2017. godine.

Ponude po otvorenom postupku za predmetnu nabavku su dostavili sljedeći ponuđači:

1. IPIN DOO Bijeljina, u ukupnom iznosu od 172.615,00 KM (bez PDV-a), i
2. "RUD-PROM" DOO Tuzla, u ukupnom iznosu od 144.080,00 KM (bez PDV-a), i sa ponuđenim

popustom u iznosu od 20.000,00 KM, tako da ukupna ponuda sa ponuđenim popustom iznosi 124.080,00 KM bez PDV-a.

U prvom dijelu rada Komisije, konstatovano je da su, blagovremeno, pristigle dvije pravilno zatvorene ponude. Nakon toga, Komisija je isčitala ponuđene cijene i završila prvi dio svoga rada.

U drugom dijelu rada, Komisija je pristupila detaljnom pregledanju dostavljenih ponuda, u cilju utvrđivanja da li su dostavljeni svi traženi dokazi i da li isti ispunjavaju kvalifikacione uslove.

Pregledanjem ponuda ponuđača "IPIN" DOO Bijeljina i "RUD-PROM" DOO Tuzla, Komisija je konstatovala da su iste potpune tj, da svi dokazi za kvalifikaciju zadovoljavaju zahtijevane kvalifikacione uslove i prihvatljive su za daljnje razmatranje.

Računskom provjerom nisu utvrđene računске greške.

Komisija je konstatovala da je cijena ponude ponuđača "RUD-PROM" DOO Tuzla za više od 20% niža od cijene drugorangirane prihvatljive ponude.

Ugovorni organ je u skladu sa članom 66. Zakona o javnim nabavkama BiH («Službeni glasnik BiH», broj 39/14) i članom 17. Uputstva za pripremu modela tenderske dokumentacije i ponuda («Službeni glasnik BiH», broj 90/14 i 20/15), u aktu broj: 07-915/17 od 14. 04. 2017. godine, tražio od ponuđača "RUD-PROM" DOO Tuzla obrazloženje ponuđene cijene.

Ponuđač je u aktu broj: 351/17 od 17. 04. 2017. godine dostavio u roku pisano obrazloženje ponuđene cijene, a koje je komisija prihvatila.

Ponuđač u toku izvođenja radova će morati obezbijediti bušaču garnituru i opremu za bušenje predmetnog bunara zadatog profila (R/b 3 i 5 predmjera radova), i laboratoriju za hidrogeologiju sa pripadajućom opremom za obavljanje djelatnosti iz oblasti geoloških istraživanja za koje su izdata rješenja Ministarstva energije, rudarstva i industrije Federacije BiH, a kojim se odobrava upotreba bušaće garniture, odnosno laboratorije. Rješenja moraju biti prezentovana nadzornom organu i naručiocu prije uvođenja u posao, dok izvođenje radova i ugradnja opreme mora biti u skladu sa Projektom detaljnih hidrogeoloških istraživanja na lokalitetu Vlahulje kod Srebrenika.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stav 1. tačka b) Zakona o javnim nabavkama, te članova 38. i 118. Statuta općine Srebrenik („Službeni glasnik općine Srebrenik“, broj: 1/08), odlučeno je kao u tačkama I, II i III ove odluke.

POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema odluke o izboru ponuđača.

Žalba se izjavljuje ugovornom organu u pisanoj formi direktno, ili preporučenom poštanskom pošiljkom.

Žalba se podnosi u najmanje tri primjerka.

Dostavljeno:

1. Ponuđačima 2x,
2. Evidenciji,
3. Arhivi.

